

杜

詩

闡

杜詩闡第十九卷目

歸溪上

管屋

寄高常侍

長吟

存歿口號

春日江村

歸雁

絕句

春遠

暮登鐘樓

絕句

屏跡

天邊行

枹樹歎

喜雨

莫相疑行

赤霄行

雙燕

去蜀

宿青溪驛

狂歌行

宴東樓

渝州候嚴大

撥悶

聞高常侍亡

宴忠州宅

禹廟

題忠州寺壁

哭嚴僕射

放船

旅夜書懷

懷舊

八月十五夜

雲安九日

雨

奉漢中王手札

石硯

三韻

杜詩闡卷十九

同學王日藻却非氏學

華亭盧元昌文子氏述

武林弟 璉漢華氏訂

成都詩

永泰元年

正月三日歸溪上簡院內諸公

前有到村懷西郭詩含諸作溪上之歸卽陶潛歸去來之歸

野外堂依竹籬邊水向城二句蟻浮仍臘味鷗泛已春聲

二句正藥許鄰人斲書從穉子擎二句歸白頭趨幕府深

月三日結還奉覺負平生

簡意

野堂依竹野堪處也。籬水向城籬足樓也。於時堂依竹而尊開味仍臘味者酒存故我也。水向城而鷗泛聲已春聲者鷗得新機也。當此正月三日藥可斷矣。我本天下一家藥而不計鄰人斷同病謂何書可理矣。我本千秋自命書而不從程子擊能無失業一趨幕府遂負平生。今日簡院內諸公者恐諸公謂我溪上之歸惡幕府而逃之亦不過白頭趨幕自覺有負平生耳。諸公能亮我否。

營屋

我有陰江竹能令朱夏寒陰通積水內高入浮雲端甚疑鬼物憑不顧翦伐殘東偏若面勢戶牖永可安愛惜已六載茲晨去千竿蕭蕭見白日洶洶開奔湍以上伐竹度堂非華麗養拙異考槃草茅雖雜葺衰病方少寬洗朕順所適此足代加餐寂無斤斧響庶遂憇息歡

以上營屋之事

營屋必先去竹。况惡竹如陰江者。夏屬朱明。竹能使之
寒也。根通積水。水為不流。幹入浮雲。日為虧蔽。惡物憑
陽。明避速為翦伐。其又何辭。况我將營屋東偏。一帶正
取而勢向陽。以安戶牖。故此竹種自上元。愛惜六載。一
朝斬刈。千竿盡除。於焉白日見其東升。陰江見其北瀉。
而面勢順戶牖。安屋可營矣。營屋則度堂堂。以養拙。何
取華麗。亦以却病。更異考槃。故不嫌草茅。但取順適。使
病可減。餐可加耳。營屋事畢。斤斧無聲。憩息之歡。庶幾
得遂云。○將赴成都草堂詩。惡竹應須斬萬竿。正指
此竹。說到寂無斤斧響。大功之成。靜若無事。有如此。

奉寄高常侍

汶上相逢年頗多。飛騰無那故人何。總戎楚蜀應全未。方
駕曹劉不啻過。今日朝廷須汲黯。中原將帥憶廉頗。

四句承飛

騰無那

故人何天涯。春色催遲暮。別淚遙添錦水波。

二句應汶上相逢年頗多

故人常侍汶上一別功名日盛飛騰甚矣始除揚州都

督繼除西川節度總戎楚蜀人謂其赫赫已極不知應

全未也五十學吟美名遂著體格一變好事爭傳方駕
曹劉人謂其幾幾近似豈知不啻過也今日以常侍召
還是內爲汲黯朝廷正須汲黯故人既不宜在外昔日
以總戎樹功是外爲廉頗中原尙憶廉頗故人似不宜
在內官則總戎楚蜀才則方駕曹劉內則汲黯交推外
則廉頗久著飛騰如此若我遲暮日甚耳此日天涯傷
春寂寂昔年汶水回首湯湯遲暮交催錦波添淚故人
知我情否○永泰元年春朝廷命裴冕郭英乂等於集
賢殿待制獨孤及上疏謂陛下召冕等待制以備顧問
雖容其直不錄其言遂使言者箝口今日朝廷須汲黯
亦欲朝廷盡其用也昔者趙人思廉頗廉頗亦思用趙
適年已老有似廉頗焉知楚蜀舊地不有望於高適適
於蜀雖師出無功三城列戍之疏蜀人必有感
恩於適者中原將帥憶廉頗謂適不宜內召也

長吟

江渚翻鷗戲官橋帶柳陰江飛競渡日草見踏青心

四句
長吟

興已撥形骸累真爲爛熳深賦詩新句穩不覺自長吟

四句

長公
本意

江渚鷗波何不定也官橋柳色一何濃也江渚不獨鷗
江水滔滔急飛競渡之日逝者有如此日官橋不獨柳
草色萋萋恍見踏青之心無境不可見心即此而觀凡
賦詩者形骸之累宜撥爛漫之情宜深句宜漸不宜疎
新宜穩不宜險今形骸撥爛漫情深句漸不宜云
而賦詩新句自穩遂爾長吟不禁云

存歿口號

公自注四子皆遊
於藝故甫志之

席謙不見近彈碁畢曜仍傳舊小詩

公自注道士席謙吳
人善彈碁畢曜善爲

小詩玉局他年無限笑

承王

白楊今日幾人悲

承小

我老友席謙尚在一別以來不見彈碁不見者祇近日
耳我故友畢曜已歿乃其小詩今日仍傳其傳者已千
秋也席謙尚在是玉局之笑他年無限畢曜已亡此白
楊之悲今有幾人哉○玉局爲彈碁具隋何妥有才名
住白楊頭時稱白楊何妥白
楊想用此非白楊蕭蕭之說

鄭公粉繪隨長夜曹霸丹青已白頭

公自注高士榮陽鄭處善畫山水曹霸曹

髦後善

畫馬

天下何曾有山水

承粉繪

人間不解重驊騮

承丹青

我故友鄭公今歿矣粉繪已隨長夜我老友曹霸尚存也丹青亦已白頭鄭畫山水鄭歿天下固無山水矣曹畫馬曹雖存時無伯樂亦誰識驊騮哉

春日江村五首

公出幕歸溪其故未白故有江村五章所謂深覺負平生

農務村村急春流岸岸深

二句江村時景

乾坤萬里眼時序百年

二句春日感懷

茅屋還堪賦桃源自可尋

承首二句

艱難昧生理飄

泊到如今

承次二句

總起我謝參謀課農務無一村不急我歸溪上俯春流無一岸不深於時俯仰乾坤萬里皆在我眼留連時

序百年惟有此心夫豈江村堪老者然而農務村村我
之茅屋亦可賦矣春流岸岸我之桃源亦可尋矣向以
出處艱難生理都昧今日萬里襟情百年
心事欣然有托尚可昧生理聽飄泊耶

迢遞來三蜀蹉跎又六年客身逢故舊發興自林泉

四句叙前

過嬾從衣結頻遊任履穿籬籬頗無限恣意向江天

四句

出幕

承飄泊到如今句我迢遞來蜀蹉跎到今又六年矣
作客之身幸逢故舊重有草堂之歸旅人之興發自休
泉姑就熟謀之職然而性不可強也蓋由懶過嵇康衣
憑百結行如東郭履只常穿似此嬾慢老夫豈堪復爲
世用彼世路禮法不勝拘牽我心籬籬本無限隔以無
限隔之宵次對無限隔之江天恣意當何如安能久留
幕府矣

種竹交加翠栽桃爛熳紅經心石鏡月到面雪山風

四句江村

景物 赤管隨王命銀章付老翁豈知牙齒落名玷薦賢中四句

自述江村之意

承恣意向江天句 江天既可恣意一時或紅或翠或風或月景色奢矣幕府有此哉彼赤管為王命所在似屬難却然銀章非老翁所宜付界何堪蓋赤管銀章本尚書郎事必也強仕不辱斯舉朝廷雖乏人焉用老齒危者玷此賢書是用決計歸溪也

扶病垂朱綬歸休步紫苔郊扉存晚計幕府愧羣材四句

幕歸燕外晴絲卷鷗邊水葉開點江鄰家送魚鼈問我數

能來歸溪情事

承名玷薦賢中句 既有赤管銀章則有朱綬但扶病而垂與強仕者異所以歸休溪上與其垂朱綬不如步紫苔耳郊扉間自饒晚計何必參謀幕府內不乏羣材焉用病叟彼鷗燕真我侶也見我歸溪或飛或泛鄰家

亦我伴也見我歸溪亟餽亟問
一時情事無異桃源是足樂耳

羣盜哀王粲中年召賈生登樓初有作前席竟為榮宅入

先賢傳才高處士名

六句自况

異時懷二子春日獨含情

結還春日

總結王粲為羣盜銜哀賈生當中年被召哀王粲因登樓有作召賈生若前席為榮夫登樓雖賦王粲何嘗老於荊州宅入先賢傳不過留并岷山耳前席雖榮賈生終資志於長沙才高處士名猶之不遇漢文也今日二子已往我生不同時當此春日江村言念二子何以為情矣羣盜哀王粲收拾前艱難賈生生理漂泊到如全道趨東三蜀踉蹌又六年等句見得所以然者寇盜充斥脚為王粲賦七哀也中年召賈生收拾前赤管隨王命銀章付老翁扶病垂朱紱幕府媿羣材等句見得所以然者廢棄多年不啻賈生蒙再召也

歸雁

東來萬里客亂定幾年歸

自

腸斷江城雁高高正北飛

雁歸

我來蜀郡亦望亂定得歸耳。今亂定矣。顧此春雁北歸。高高飛去。人不如雁。傷如之何。○長安在成都北。故羨北飛之雁。

絕句二首

遲日江山麗。春風花草香。泥融飛燕子。

承春風句

沙暖睡鴛鴦。

承遲日句

猶是江山遲日。倍麗。猶是花草。經春便香。花草香而泥融矣。飛而銜泥者。有燕子。江山麗而沙暖矣。棲而愛暖者。有鴛鴦。人何以不燕子鴛鴦哉。

江碧鳥逾白。山青花欲然。今春看又去。何日是歸年。

二句兩章

主之

江惟碧。鳥色形之而彌白。山惟青花。紅映之而欲然。景物到此。春將暮矣。我年年作客。年年逢春。春又過。人不

歸亦奈
之何

春遠

蕭蕭花絮晚霏霏紅素輕日長惟鳥雀春遠獨柴荆

四句春遠

數有關中亂何曾劍外清故鄉歸不得地入亞夫營

四句感懷

花與絮交落蕭蕭然一何靜也紅者花素者絮霏霏然
輕如雨雪也日長矣鳥雀爲伴過客何稀春遠矣柴荆
自掩村居何僻我寂寂處此亦由關中之亂年來數有
故爾避地劍外乃劍外之地又復多故用是有懷故鄉
料想長安一片地此時屯兵已滿雖欲言歸奈無家可
歸何○是年二月党項寇京兆富平等處吐蕃請盟郭
子儀遣兵屯涇原故有地入亞夫營
句亞夫營在昆明池南柳市是也

暮登四安寺鐘樓寄裴十迪

暮倚高樓對雪峯僧來不語自鳴鐘

二句登樓

孤城返照紅將

飲近市浮煙翠且重二句多病獨愁常聞寂故人相見未

從容知君苦思緣詩瘦太向交遊萬事慵四句

寄裴

高樓岑寂矣倚者自倚鳴鐘者自鳴鐘耳於時城衙晚照市帶輕煙暮景如此因懷裴十我固多病常愁聞寂致違故人故人何為不肯從容頻來顧我今知其故知君苦思之餘亦為詩瘦所由交遊萬事一槩都慵慵則慵矣其如交遊之際萬事太慵何○太向二字亦是恨辭與不知貧病緣何事能使韋郎迹也疎語意相似

絕句三首

聞道巴山裏春船正好行二句都將百年興一望九江城

二句
至荆

欲到九江必由巴峽峽水初平春船好行矣從此南下百年高興付之九江一望未知何日得遂也

水檻溫江口茅簷石笋西

二句

留滯移船先王廟洗藥浣花溪

二句
遊覽

九江未去定老成都於是水檻一帶依然溫江口也葦
齋數椽依然石笋西也無已且移船先主廟無已且洗
藥浣花溪百年之興如斯而已

設說春來好狂風太放顛吹花隨水去翻却釣魚船四句
南下之故

我道春船正好行亦設說耳不見狂風放顛如此其甚
豈但吹花逐浪并釣魚之船而亦翻却釣魚船習於風
水者且然也○前曰春船正好行此曰漫道春
來好于規曰不如歸去鷓鴣曰行不得哥哥也
屏跡

義年甘屏跡幽事供高臥幽事二字
領下六句易下竹根行龜開萍

葉過年荒酒價乏日并園蔬課猶酌甘泉歌歌長擊鐺破

屏跡何甘衰年故耳而況目前幽事儘供高枕身本高
飛者今下竹根行適原浮水者今開萍葉過幽可知也
年荒穀苦無出則乏酒價并日炊不能繼則課園蔬夫
園蔬雖課何與酒價所以樽酒原空汲泉獨酌酌罷而
歌歌已而擊至於樽破不惜無非幽事幽事供高臥如
此○永泰元年飢京師斗米千錢故有年荒旬先是廣
德二年代宗定上下酤戶以收月稅
酒價不可問矣雖傷歲飢亦諷時事

天邊行

天邊老人歸未得日暮東臨大江哭隴右河源不種田胡

騎羗兵入巴蜀

二句歸未得之故

洪濤滔天風拔木前飛羗勢後

鴻鵠九度附書向洛陽十年骨肉無消息

四句東臨大江哭之故

洛陽天中成都天邊相距遼遠其歸未得者有故也成
都在西洛陽在東當此日暮其臨江哭者有故也蓋自
廣德元年秋吐蕃人大震關河隴盡沒冠西山等處成
都之三州盡陷河隴被兵巴蜀道梗我瞻四方蹙蹙靡

之此天邊老人歸未得耳况洪濤滔天大風拔木人非
禽鳥焉能奮飛或者有書可達乃自至德元年至今十
年中弟妹分飛存亡莫必附書而去九度已頻通問而
還一字無及此日暮東隔大江哭耳老人終老天邊矣
○按史永泰元年二月
大風拔木故有拔木句

枿樹爲風雨所拔歎

公客成都始賦高神自况獨立巖賦枯神自况不
復有爲茲作枿樹風雨所拔詩自况不復留蜀

倚江枿樹草堂前故老相傳二百年誅茅卜居總爲此五

月髣髴聞寒蟬四句枿樹東南颶風動地至江翻石走流雲氣

幹排雷雨猶力爭根斷泉源豈天意四句風滄波老樹性

所愛浦上童童一青蓋野客頻留懼雪霜行人不過聽竿

頭應前四句虎倒龍顛委荆棘淚痕血點垂臂臆我有新

言其盛時

詩何處吟草堂自此無顏色

應次四句言其拔時

桄樹倚江適當草堂相傳以來歷年二百庶幾根固不拔可保其終我卜居於此亦惟桄樹可愛耳每當五月蟬聲縹緲不幸飄風動地江翻石走雲氣流雷雨作此桄老幹排空猶與雷雨力爭勝負力爭不已遂斷古根然豈天意哉未拔以前此故老相傳者誠哉滄波老樹我性所愛也此倚江而生者不啻浦上童童如一車蓋也豈獨我之誅茅爲此而留卽野客依此者亦避霜雪於其下而不去豈獨寒蟬之聲彷彿樹間乃行人過此者亦愛其聲如箏簫而不行今拔矣始而力爭雷雨者至此虎倒龍廟不能自振始而疑非天意者至此血點垂臂無可奈何昔時桄下幾度吟詩今日堂前忽無顏色桄樹拔矣我亦安能久留草堂哉○公去草堂有難顯言者聊以桄樹存亡示草堂去留此詩情見乎詞

喜雨

公自注時浙右多盜賊

春旱天地昏日色赤如血農事都已休兵戈況騷屑巴人

困軍須慟哭厚土熱

四句旱

滄江夜來雨真宰罪一雪穀根

小蘇息沴氣終不滅

以上雨

何由見寧歲解我憂思結崢嶸

羣山雲交會未斷絕安得鞭雷公滂沱洗吳越

結點白庄

春旱至今天昏日赤殺氣所感鬱為旱徵此時農不得食兵何以支重以軍需之困已人惟有淚灑赤地而已夫旱潦不時陰陽失調之故焉用此真宰為滄江雨而罪一雪穀根從此少蘇而農事有望矣其如沴氣未消何是流氛終未洗太平卒難邁我憂仍未釋也猶幸羣山之巔滂沱雲未斷絕陰陽交風雨會然此事非雷公不濟鞭雷公而後滂沱降不獨穀根甦即吳越流氛亦可洗而軍須不至重困哉前曰真宰罪一雪後曰安得鞭雷公舍真宰鞭雷公隱諷變理諸人時袁晁反台州萬伏誅賊人又殺刺史故正浙右多盜賊莫相疑行

男兒生無所成頭皓白牙齒欲落真可惜

二句領至末

憶昔獻

賦蓬萊宮自怪一日聲輝赫集賢學士如堵牆觀我落筆
中書堂往時文采動人主此日飢寒趨路旁晚將末弊托
年少當面輸心背面笑寄謝悠悠世上兒不爭好惡莫相

疑

結出
題面

人生世間各有成就命爲男兒老而無成真可惜也彼
少年者亦曾見我蓬萊殿上獻賦時否猶憶天寶九載
玄宗肇舉三大禮我時身到紫宸氣衝星象天老書題
且而試集賢春官驗討論而看落筆遂使至尊動凌雲
之歎布衣識聖人之顏豈知往時文采能動帝王者今
日飢寒不能感路人耶年來流落成都素交都盡今日
托弊年少夫豈得已彼年少者知我文采輸心思服見
我飢寒背面卻偷好惡無常情態如是此亦世上悠悠
無足怪者寄語少年老翁相忘
已久亦何嫌何疑而介意哉

赤霄行

孔雀未知牛有角，渴飲黃泉逢觝觸。赤霄玄圃須往來，翠

羽金花不辭辱。

以孔雀自喻

江中淘河嚇飛燕，銜泥却落澌華

屋。

以飛燕自喻

皇孫猶曾蓮勺困，衛莊見貶傷其足。

以王孫衛莊自況

老翁慎莫怪少年，葛亮貴和書有篇。丈夫垂名動萬年，記

憶細故非高賢。

四句正意

孔雀珍禽，水亦霄玄圃之物，舞翠尾曳金花，月中焉知有角牛？今以渴故下飲寒泉，孔雀窮矣。雖逢觝觸恥辱，不辭，亦何損其爲孔雀也？飛燕巢於華屋，與人無競，與物無爭，不幸銜泥之故，從江上來，淘河疑其爲爭魚也，而嚇之，夫跡涉嫌疑，君子所恥，此飛燕仍落銜泥，自歸華屋，以明無他，乃其心猶以爲羞，尚屑與淘河爭魚哉？夫孔雀飛燕，偶遭失志，角牛淘河，原不足以累之，有如此，復是孫困蓮勺之中，何損其賢？衛莊遭刑，足之辱，山於見貶，少年負氣，往往陵人，諸葛貴和，誠爲篤論。萬年名譽，不在目前，非意相干，儘可理遣，橫逆在於自反，細

故不足記憶寄謝少年可釋然
已○二章舊註謂爲郭英又作

雙燕

時欲去蜀
托興於燕

旅食驚雙燕銜泥入此堂應同避燥濕且復過炎涼養子

風塵際來時道路長

六句

今秋天地在我亦離殊方

二句

雙燕亦自去來耳但不堪使旅食者見今又銜泥入此
堂邪想其意亦同我而避燥濕且於此而度炎涼也傷
哉此燕雖入此堂豈真爾居其養子嘗在風塵其來時
歷幾道路豈忘故鄉亦秋以爲期耳今秋天地倘得無
事豈獨燕我亦離殊方圖出峽矣

去蜀

五載客蜀郡一年居梓州

二句在蜀

如何開塞阻轉作瀟湘遊

二句 萬事已黃髮殘生隨白鷗安危大臣在何必淚長流

去蜀 四句 去蜀之感

我六年中往來梓蜀留滯久矣當年入蜀原從關塞來今日去蜀欲望瀟湘去奈何去時之路非復來時之路耶開塞既阻朝廷萬事我不與聞矣瀟湘復遊此後殘生聽其所如矣所以然者安危至計朝廷自有大臣流落殘生吾輩何須痛哭哉○當時在朝大臣安危難恃如元載杜鴻漸等苟安旦夕毫無長策甚至禦寇之計上與宰相等不過置百高座行香講經於西明二寺以微福庇大臣如此公曰安危大臣在責備之辭耳

嘉戎渝忠及雲安詩

永泰元年

宿青溪驛奉懷張員外十五兄之緒

漾舟千山內日入泊荒渚吾生本飄飄今復在何許石根青楓林猿鳥聚儔侶月明遊子靜畏虎不得語

以上宿中

夜懷友朋乾坤此深阻浩蕩前後間佳期付荆楚

以上張員外

嘉州有青溪驛驛繞千山我漾舟其處適當落日亦依樓荒渚間而已因歎我生飄飄今在何許但見石猿上青楓爲林楓林中猿鳥爲伴彼猿鳥亦自爲儔侶猿鳥外誰爲遊子儔侶者只有明月在千山間耳乃月出而遊子彌靜者誠畏虎不得語恐其尋聲至也持冀得良友無奈乾坤阻深前後浩蕩佳期難必何所幾直至荆楚與員外相見斯真佳期也已

狂歌行贈四兄

與兄行年校一歲賢者是兄愚者弟兄將富貴等浮雲弟

竊功名好權勢

四句領全篇

長安秋雨十日泥我曹驂馬聽晨

雞公卿朱門未開鎖我曹已到肩相齊我兄睡穩方舒膝

不襪不巾踏曉日男啼女哭莫我知身上須繒腹中實

叙在長
安時事
今年思我來嘉州嘉州酒重花滿樓樓頭弊酒樓

下臥長歌短詠還相酬四時八節還拘禮女拜弟妻男拜
爹幅巾盤帶不挂身頭脂足垢何曾洗吾兄吾兄巢許倫
一生喜怒常任真日斜枕肘寢已熟啾啾唧唧爲何人上

叙來嘉
州時事

與兄相校年差歲許賢愚判然賢者達觀兄是也愚者
營求弟是也往在長安兼旬秋雨我輩聽雞鳴候朱門
甚矣其思兄於此時日高安枕雞鳴不聞跣足科頭朱
門安在男女之累尚且不覺衣食而外他又何求其賢
如此今來嘉州兄弟快叙一時酩酊酒醺花濃既醉且
臥長歌短詠何其樂與古來達人高士畧於世故不畧
於治家我兄歲時男女禮法秩然門庭兄弟拜跪肅若
一似家有嚴君者豈知其芻狗衣冠有同桑戶爬搔頭
足醺醺類嵇康猶狀是不微不巾踏曉日之人哉似此天
真爛慢巢許爲倫日斜枕肘寢已熟依伏睡穩方舒膝

也。嗷嗷唧唧爲何人。豈但男啼女哭。莫我知也。我兄如
此。可謂賢矣。○公於諸兄弟子姪。每賦詩各得其真。如
杜位爲李林甫婿。不免倚勢。則曰。盡簪喧。歷馬列炬散。
林鴉杜濟爲給事中。不免殘賊。則曰。潤米少汲水。刈葵
莫放手。於崇簡寫其質朴。則曰。耕鑿安時論。衣冠與世
同。於姪佐寫其高致。則曰。自聞茅屋趣。只想竹林眠。茲
於四兄。又極寫其放達。如此。天寶十三載秋。淫潦六旬。
公在長安。著秋述云。杜子臥病長安。旅次多雨。生魚青
苔。及榻常時車馬之客。舊雨來。今雨不來。觀公秋述。此
云。長安秋雨十日泥。正指此時。其曰。我曹驍馬聽鳴雞。
云云者。泛言杜位杜濟一流耳。

宴戎州楊使君東樓

勝絕驚身老。情忘發興奇。座從歌妓密。樂任主人爲。重碧

拈春酒。輕紅劈荔枝。

四句承情忘發興奇

樓高欲愁思。橫笛未休吹。

二句應勝絕驚身老

永樓宴會地本勝絕惜乎我年老大耳猶幸忘情忽而
發興咄咄奇事也彼歌妓在坐似與衰老無與既忘情
而發興則亦從其密主人作樂亦與衰老無與既忘情
而發興則亦任其為春酒之色何其碧自歎衰老不勝
耳既忘情而發興則且拈荔枝之色何其紅自傷衰老
不倫耳既忘情而發興則且覺冤之凡情可忘衰老之
情不能忘對此高樓豈不勝絕忽驚身老愁思欲生彼
橫笛之聲最添人愁易催人老若之何我愁方作彼吹
未休耶公詩中慣用為字作韻脚如贈畢曜曰顏狀
老翁為此為字下得苦孟冬詩曰方冬變所為此為字
下得微送王侍御曰此贈怯輕為此為字下得逸偶題
曰餘波綺麗為此為字下得雅復至東屯曰一學楚人
為此為字下得傲和少府書齋曰書齋開爾為此
為字下得蘊藉此曰樂任主人為此為字下得放

渝州候嚴六侍御不到先下峽

聞道乘驄發沙邊候至今不知雲雨散虛費短長吟

四句候嚴

不到山帶烏蠻澗江連白帝深船經一柱觀留眼共登臨

四句

由渝先下峽

我聞侍御乘驄已發沙邊驪舟同爲下峽之行今侍御未到則此相期爲雲雨散矣沙邊久待應有短長之吟侍御未到此吟亦殊虛費耳於焉下峽但見山連越嶺濶帶烏蠻江通沅源深連白帝下峽後先過江陵此地有一柱觀者可相期爲登臨之樂侍御他日船經此處須一留眼毋使候爾於渝州沙邊者又相失於江陵一柱觀也

撥悶

聞道雲安麴米春纔傾一盞卽醺人乘舟取醉非難事下峽銷愁定幾巡四句借酒撥悶意長年三老遙憐汝捩柁開頭捷

有神二句承乘舟下峽

已辦青錢防僱直當令美味入我唇二句承取

醉消愁

古人云何以解憂惟有杜康聞雲安美酒有麴米春者一盞卽醺也從此乘舟下峽而往旦夕取酒定有幾巡然此事非長年三老不濟吾遙憐汝者以汝振花開頭捷若有神耳或者僱直未辦長年三老雖有運舟之巧不爲我用今青錢已辦不憂無直長年三老定當爲我速抵雲安傾此麴米春一撥我悶可也○公欲速至雲安慮舟子不前先慰之曰遙憐汝預美之曰捷有神終安之曰青錢防僱直蓋身涉江湖寄身舟楫長年三老我所托命他日寄唐十八曰長年已省施北風章曰再宿煩舟子回棹詩曰篙師煩爾送詠懷作曰稽留篙師怒亦見公於乘波涉險處之有道

聞高常侍亡

公自注忠州作

歸朝不相見蜀使忽傳亡虛歷金華省何殊地下郎

承歸朝不

相見致君丹檻折哭友白雲長獨步詩名在祇令故舊傷

承蜀

使忽傳亡

高公去年還朝不復相見不料今日遂有計聞歸朝不相見尚冀相見蜀使忽傳亡永不相見矣公歸朝官拜常侍已歷金華省然不獲盡其用亦虛歷耳既虛歷雖曰金華侍從何殊地下修文不待今日始痛賁志也既歷金華省是常侍致君已折丹檻既爲地下則是故人哭友空望白雲金華丹檻公之致君終已矣幸有詩名尚在耳地下白雲我之哭友徒長也祇令故舊暗傷耳安能起公九泉哉○史稱適敢言負氣擢貴側目當至德時陳江東利害繼又抗疏陳西山三城戍罷民是適非嘿嘿者永泰元年春上命郭英乂裴冕等應制而不諫者籍口適正處其時上有容下之名無聽諫之實遂使宜適鬱鬱齊志而歿虛歷金華省何殊地下耶深痛之也

宴忠州使君姪宅

出守吾家姪殊方此日歡自須遊阮舍不是怕湖灘

四句忠州

使君宅

樂助長歌送杯饒旅思寬昔曾如意舞牽強爲看

四句
宴

此出守忠州者是我家姪故雖在殊方有今日歡耳使
君爲阮咸此舍卽阮舍無過阮舍而不入之理豈爲下
峽有湖灘之險逗遛不前哉况使君宴而作樂助我長
歌宴而饒於酒寬我旅興然我所以留連使君宅者亦
祇因使君少時如王安豐曾爲我作如意舞牽引老夫
而強爲看我極不忘之也○觀下章龍興寺詩曰莫覓
王人思使君於公必誼有未盡者強爲看三字
有諷况牽率老夫曷荷繁怒而責士句之言

禹廟

禹廟江自岷山岷山在蜀故蜀
多禹廟此在忠州臨江縣者

禹廟空山裏秋風落日斜荒庭垂橘柚古屋畫龍蛇

二句承禹

廟空山裏雲氣生虛壁江聲走白沙

二句承秋風落日斜

早知乘四載疏

繫挂三巴

功結

老山寂寞禹廟在焉徒伴秋風落日耳空山有庭尚垂
橘柚當年錫貢至今如見空山有屋尚畫龍蛇當年驅
放至今爲烈上而雲氣如生虛壁與落日俱留下而江
蜃若走白沙與秋風爭響此皆禹功所存也蓋禹神謀
素定早知導江必自岷山始故四載之乘不遺餘力三
巴之控不煩再計後人尚不忘其明德哉○當時汴水
湮廢運漕者自江漢抵梁洋而后得達至廣德二年劉
晏方議開汴水藉非禹功貽澤萬世今日中興庸調安
能有濟禹廟一章寓感正深

題忠州龍興寺所居院壁

忠州三峽內井邑聚雲根小市常爭米孤城早閉門

四句寫忠

州空看過客淚莫覓主人恩

二句題詩之意

淹泊仍愁虎深居賴

獨園

以龍興寺結

忠州僻處峽內鑿石開峽以通江流左右壁立皆石石
爲雲根井邑皆聚於此耳夫井邑而聚雲根邑小矣邑

小故市亦小爭米其常也忠州在三峽之內州孤矣州
孤則城亦孤開門宜早也所難爲者過客耳誰哀其窮
途而憫恤之所屬望者主人耳竟莫得其解囊而周救
爲况地僻人稀虎甘人肉亦賴此給孤獨圍得潛踪少
云悲

哭嚴僕射歸櫬

素幔隨流水歸舟返舊京

二句歸櫬

老親如宿昔部曲異平生

風送蛟龍雨天長驟騎營一哀三峽暮遺後見君情

六句哭嚴

射僕

流水長逝嚴公素幔與之長逝從此歸櫬仍望舊京返
耳公雖薨有母在堂亮如宿昔我登堂拜母之誼何日
忘之公既薨部曲今日必異平生彼迎新送舊之情大
集可見素幔隨流水從此蛟龍雨絕風送不還公本蛟
龍昔望其雲騰於天今至於風送其雨霖雨之施不復
得矣歸舟返舊京從此驟騎營空天長望斷公本驟騎

昔幕下無非猛士。今天邊但有空營。回首孤魂難復招。
矣。我一哀至三峽暮者。正由平生知己之情。去後依然
如見耳。已矣公真永訣矣。○蛟龍雨。朱
註以雨為厠字之誤。作蛟龍雨。亦是。

放船

收帆下急水。卷幔逐回灘。

二句放船

江市戎戎暗。山雲淅淅寒。

荒林無徑入。獨鳥怪人看。

四句放船後所見

已泊城樓底。何曾夜

色關。

二句泊船

灘險故須收帆而下。灘回故又卷幔而轉。收帆卷幔。木
是泊船之候。下水逐灘。又是放船之時。此時江干晚市。
戎戎然暗。疑草木蒙翳也。山頂暮雲淅淅。狀寒似水氣。
束合也。有市則有林。林何當無徑。荒林則無徑可入。有
山則有鳥。鳥何憎於人。獨鳥則常怪人。看我方訝收帆。
卷幔。又值急水回灘。殊不覺城樓底下。我船已泊。照幾
夜色。關作放船計。乃夜色未肯關也。一夜之景如是。
戎戎厚貌。厚則暗矣。江市晚景象之。禮運曰。魚鼈不淅。

註云羣殊驚散貌夫以驚散為不淪則必以萃聚為淪淪淪者寒雲凍合之象

旅夜書懷

細草微風岸危檣獨夜舟星隨平野濶月滿大江流

四句旅夜

名豈文章著官因老病休飄飄何所似天地一沙鷗

四句書懷

細草不勝微風欲動危檣須洎獨夜何堪此時岸上平野濶矣星落落然隨之亦濶此時舟邊大江流焉月滾滾然湧之亦流獨客所伴惟星月耳我一生重事業輕文章自傷卑賤稷契之事既老而無成他日千秋身後之名豈必以文章而著也夫卑賤稷契之事業我雖老病此念未休况當年罷官之故不因老病展轉思維不能自解得毋官因老病而休也常此細草微風危檣獨夜飄飄何似彷彿沙鷗夫沙鷗亦何名何官常隨星月為伴與平野大江為徒而已旅夜所懷如此

懷舊

地下蘇司業親情獨有君那因喪亂後便有死生分

四句懷舊

老罷知明鏡悲來望白雲自從失詞伯不復更論文

四句懷舊

故之

已矣蘇公呼之不起矣試呼曰地下蘇司業尚知我親
情獨有君乎喪亂分離不過偶爾死生永訣豈容遽然
那因喪亂偶然便至死生異路蘇已矣我亦老矣蘇之
卒我哭之我之老誰知之知我老者惟明鏡耳我老矣
蘇終已矣我老矣惟明鏡為知已蘇已矣惟白雲似故
人今日者亦悲來望白雲耳況蘇為詞伯詞伯既失誰
與論文斯文不真將喪夫

八月十五夜二首

滿目飛明鏡歸心折大刀

二句包兩章

轉蓬行地遠攀桂仰天

高

二句承歸心折大刀

水路疑霜雪林棲見羽毛此時瞻白死直欲

數秋毫

四句承滿
月飛明鏡

人有離合月有圓缺月缺再圓還飛明鏡人離難合空
折刀環今日身如轉蓬行地何遠不知何日得歸故鄉
也思欲攀桂從仰天高不知何日歸長安扣君門也所
爲歸心折大刀耳至若滿目所飛者當其映水霜雪空
明及其照林羽毛畢現况廣寒清虛玉兔在中此時月
色皎微卽白兔亦秋毫可數不真滿目飛明鏡哉明鏡
若此乃離人情緒如歸心折大刀者竟不能憐而鑒之也

稍下巫山峽猶銜白帝城氣沉全浦暗輪側半樓明刁斗

皆催曉蟾蜍且自傾

六句承滿
目飛明鏡

張弓倚殘魄不獨漢家營

二句挽歸
心折大刀

纔見滿目飛明鏡未幾轉西稍下巫山峽矣乃將沉未
沉猶銜白帝城焉稍下故氣沉沉欲暗全浦暗似明鏡至
此已無全照猶銜故輪側尙明半樓明似明鏡於此尙
有餘輝刁斗以警夜者浦暗故刁斗之聲不能尙留疑

於催曉蟾餘托身於月者輪側故蟾餘之影不能終滿
幾於自傾而殘魄竟如張弓矣因想萬國軍營誰不張
弓倚此殘魄張弓倚此者亦為歸心折大刀
之故豈獨漢家營此情此景亮無處不然也

雲安九月鄭十八賁攜酒陪諸公宴

寒花開已盡菊藥獨盈枝舊摘人頻異輕香酒暫隨

四句

陪地偏初衣衿山擁更登危

二句

萬國皆戎馬酣歌淚欲

垂

以時

寒花開盡滿日蕭條盈使者周荆藥耳菊藥可賞故人
亦可念也舊日摘花人經頗易今辰把盞酒豈常隨所
幸雲安居國之南地氣差暖至九月而初衣衿惟是雲
安在巫峽間山勢已簇登高豈不更危乎况逢多難雖
與諸公攜酒酣歌不禁涕泗隔干也已○是年九月初
一日懷
結二句

雨

行雲遞崇高飛雨藹而至潺潺石間溜汨汨松上駛元陽
乘秋熱百穀亦已棄皇天德澤降焦卷有生意前雨傷卒
暴今雨喜容易以上雨不可無雷霆間作鼓增氣佳聲達中
宵所望時一至四句雷清霜九月天髣髴見滯穗郊扉及我

私我國目蒼翠恨無抱甕力庶減臨江費

六句以喜雨結

未雨雲先之雲欲盛崇高則不盛遞崇高是雲之行也
時開時合乍升乍降故此飛雨亦若謫然而至但潺潺
然溜石間汨汨然駛松上耳然猶愈於不雨當此亢陽
百穀將棄天澤既降焦卷忽生憔悴之餘易於見德大
率如此夫破塊之雨不足潤物前雨之卒暴可傷靈深
之雨徐徐入物今雨之容易可喜容易何如藹而至者
是也雨則至矣乃猶望夫沛然也雲雖與雨雷尤作氣
間時一作其聲最佳既鼓雨勢亦達物萌益威不可無

威廢則物難遂生故須雷霆怒不可過過怒則物終傷
生故須一至然則通崇高之雲雖致飛雨何如時一至
之雷間達中宵哉九月霜降萬物告成前此樵巷有生
意者至此彷彿見滯穗矣忽焉郊扉見滯穗者行見我
圃亦蒼翠矣先郊扉而及我私先天下之憂也及我私
而亦蒼翠後天下之樂也旱則汲水灌蔬難免臨江抱
甕今茲費可減亦我私之可幸與

奉漢中王手札

時王西歸作書
貽公公奉此詩

國有乾坤大王今叔父尊

提漢中王

剖符來蜀道歸蓋取荆門

峽險通舟峻江長注海奔

四句西歸

主人留上客避暑得名園

前後緘書報分明饌玉恩天雲浮絕壁風竹在華軒已覺

良宵永何看駭浪掀

八句避暑歸州

入期朱郎雪朝傍紫微垣枚

乘文章在河間禮樂存悲秋宋玉宅失路武陵源淹泊俱

崖口東西異石根夷音迷咫尺鬼物傍黃昏

以上道大馬誠

為戀狐狸不足論從容草奏罷宿昔奉清尊

以上朝情事

朝廷雖頻遭冠患其大自在存即親王之尊可知夫在國
有乾坤之大更無兩大在王居叔父之尊更無他尊向
者剖符偶來獨道今茲歸蓋取道荆門取荆門必從三
峽惟險故通舟而其勢亦峻下三峽必溯大江江惟
長故注海而其流自奔峽險通舟前此畏途將失江長
在海此日朝宗有自王從此竟西歸哉先是王到歸州
正值大暑幸逢東道偃息名園招我之書已非一次感
恩之至饌王何殊想王避暑以來今屆深秋矣天雲浮
壁風竹臨軒樂此良宵莫愁駭浪然計王出峽已辭大
暑想王到都必在三冬而朱郎雪飛紫微星近王果西
歸矣技乘在諸文士間為年最老我猶是也河間獻王
能修禮樂被服儒雅王猶是也今日者我未還鄉信矣
悲秋同宋玉王未出峽猶然失路迷武陵王在歸州我
在雲安淹泊俱當崖口歸州在東雲安在西東西各異

石恨是本夷音俗更尚鬼兩人相思不相見但覺咫尺千里白日黃昏耳雖然王歸有日矣我念王門交誼天涯戀別誠如大馬王爲帝室親藩豺狼當道安問狐狸王此行入朝致手能除君側大奸卽從容草奏中第一大事此時亦念有老如枚乘者宿昔曾奉肅尊哉

石硯

公自注平侍御者之硯也

平公今詩伯秀發我所羨奉使三峽中長嘯得石硯

四句平公

得下硯

巨璞禹鑿餘異狀君獨見其滑乃波濤其光或雷電

聯坳各盡墨多水通隱見揮灑容數人十手可對面

八句贊石

硯比公頭上冠貞質未爲賤當公賦佳句况得終清宴公

含起草姿不遠明光殿致於丹青地知汝隨顧盼

八句寫足平公

得石硯之意

平公爲今之詩伯故與石硯爲緣今日奉使峽中遂長
嘯而得此耳玉在石中者曰璞璞非凡石滑如波潯尤
苦雷電昔經勞臣之手疏鑿所遺今入詩伯之眼斬然
而見是此石上下千載纔得兩知已耳其聯珣是石之
雙穴不雕自具其多水乃石之溫潤自然不枯數人
灑而有餘十手對面而非不足所謂巨璞也平公所載
侍御冠其剛正可以觸邪石之貞潔竊比何媿平公所
賦詩伯句其秀發可俾獨步石之興狀清宴堪陪顧此
石硯昔委三峽有終老泥沙之悲今登几案有伸於知
已之喜侍御使畢而旋攜此石硯起草於明光殿前發
揮於丹青座上隨汝顧盼皆有榮施然則平公得此石
硯相與有成石硯得遇平公一朝川氣亦奇矣哉○物
之異者與異人爲緣夜光之珠隋侯得之荆山之玉卞
和識之千里之馬孫陽顧之豐城之劍張華辨之此詩
前曰異狀君獨見後曰知汝隨顧盼是
此硯不逢侍御終委泥沙所感深矣

三韵三篇

高馬勿播而長魚無損鱗辱馬馬毛焦困魚魚有神四句

君看磊落士不肯易其身

二句正意

馬之高魚之長者與凡馬凡魚異其面是辱馬損其鱗是困魚不知辱馬但焦其毛其高何害困魚雖損其鱗其神自若况士之磊落者奚翅高馬長魚比亦誰肯遇權勢而屈節以自易其身哉二句曰勿播勿損結曰不肯易播之損之者將欲使之易其身也不肯易者播之損之卒不肯易也不肯易惟龐德公徐元直輩足當之楊雄蔡邕皆肯易其身者不足道矣

蕩蕩萬斛舟影若搖白虹

比大受之器

起檣必椎牛挂席集眾

功自非風動天莫置大水中

比待時而動

萬斛之舟其影搖虹檣必巨矣惟牛享眾以集功然後起檣以挂席人事既備猶候天時蓋眾以起檣檣以挂席席以待風苟非風動於天寧繫巨壑中勿汲汲取敗也○此詩語意似諷房琯一流如琯有大畧不度時勢輕身自試致有陳禱斜喪師之事是萬斛舟檣席雖備眾功亦集而風未動天遂置大水非膠則覆士如此者

可不
戒諸

烈士惡多門小人自同調名利苟可取殺身傍權要

三句正是

多門何當官曹清雷華堪一笑

二句喚醒

政出多門者權要爲之也烈士所惡小人則甘心焉喻喻峨峨自爲同調名利所在殺身殉之凡此皆因官曹未清也官曹清則小人失計不堪一笑耶○結二句卽張紱米山之意

杜詩闡卷十九 終

杜詩闡卷十九

三

杜詩闡第二十卷目

諸將

長江

永開房公歸葬

別常徵君

近聞

遺賸

大食刀歌

王兵馬角鷹

冬深

將曉

十二月一日

又雪

送王侍御

立春

懷錦水居

老病

雨

南楚

子規

水閣朝霽

往往

客居

客堂

杜鵑

贈鄭賁

別蔡十二

答鄭郎

寄贈王將軍

寄韋有夏

杜鵬行

杜詩附卷二十

同學王日藻却非氏圖

華亭盧元昌文子氏述

武林弟 璉漢華氏訂

雲安詩 永泰元年

諸將

五章貴成諸將慨然於韓公嚴武今無其人區區王縉
附元載以出將實無益於安危也當時治軍嚴整如李
光弼功名不終郭子儀盡瘁乃心不免謀孽掌神策兵
爲觀軍容使者惟中官輩將權失馭國威不張至使賊
騎憑陵將割焚劫天子孤立羣臣玩愒內竭國帑外費
軍需近叛強藩遠攜荒服安得如韓公嚴武者起而夾
持之每章貴成大指在結二句

漢朝陵墓對南山胡虜千秋尙入關昨日王魚蒙葬地早

時金碗出人間

四句陵寢失守

見愁汗馬西戎逼曾閃朱旗北斗

殷多少材官守涇渭將軍且莫破愁顏

四句舉時事以責諸將

首言長安失守

諸將不能盡瘁結曰將軍且莫破愁

最痛心者

陵寢被焚也當年漢朝陵墓皆對南山

其密邇王畿有屯衛之盛乃千秋而寇尙入關耶昨日

王魚機蒙葬地早時金碗便出人間何發掘之速也此

已事之可痛者今日僕固懷恩復誘吐蕃入寇便橋之

度幾幾再見諸將不見未旗絳天北斗爲赤豈乏軍容

而使至是議者但謂涇渭等處多設材官以資固守夫

材官未嘗之所恃者將軍耳寄語將軍正僕夫況瘁之

且愁顏且莫破哉○謂之昨日早時者必玄肅二宗陵

二宗葬於廣德元年三月吐蕃之寇卽廣德元年九月

去葬時其五閏月朕則柳伉直中所云焚陵寢亦必專

指玄肅二陵也永泰元年九月之寇郭子儀使行軍司

馬入秦謂道諸節度各出兵扼要害諸將猶

擊迷焉樂宣公行莫破愁顏句○紅色爲殷

韓公本意築三城擬絕天驕拔漢旌豈謂盡煩回紇馬翻

然遠救朔方兵

四句言借兵回紇之失

胡來不覺潼關隘

指回紇

龍起

猶聞晉水清

指代宗

獨使至尊憂社稷諸君何以答昇平

結

責諸將意

次言回紇入寇諸將不能分主憂結曰諸君何以答昇平追維景龍年間韓公張仁愿築三受降城於朔方等處本欲絕回紇入寇之路拔漢家旌以樹之於彼其後祿山倡亂兵陷潼關天子西走劍南太子即位靈武不得已借兵回紇以資殲寇香積一戰得其死力賊勢以潰在韓公當時築城保塞豈料後日有借援回紇之事反來救我朔方之兵時勢使然毋足怪者夫潼關本兩京扼隘自哥舒旣潰與賊共之數年來賊騎充斥潼關失隘至今年九月復有回紇入寇之事在至尊久在行間艱難屢歷彼時能用回紇以滅安史何至於今回紇猖獗侵擾爲患說者皆謂今上不能禦回紇抑思龍躍朔方時掃清河北今日倦勤之至尊卽撥亂之廣平

王當年起靈武清河北至今猶想見其風烈也夫至尊
一戎衣三尺劍汗馬之勞歷有年所今日諸臣亦當共
襄社稷同分主憂庶韓公之烈復見回紇之患永絕即
昇平可致諸君亦可答其休矣○趙曰收京後鳳州合
關河清故洗兵馬詩有詞人解撰河清頌句此詩龍起
猶聞晉水清疑指此河北為晉地廣平為真龍舊指肅
宗至尊
句難接

洛陽宮殿化為烽休道秦關百二重滄海未全歸禹貢

門何處覓堯封

四句洛陽為主

朝廷衰職誰爭補天下軍儲不自

供稍喜臨邊王相國肯銷金甲事春農

四句貴諸將

三言諸將不能屯田結曰肯銷金甲事春農洛陽為
天下中貢賦所集自經安史非復曠昔彼秦關百二又
何恃以無恐洛陽如此猶望諸藩來享來王以天下貢
賦補洛陽空虛乃滄海則壤末歸禹貢薊門土地尚外
堯封負固多版圖蹙又安望國用富饒也况變理無人
相臣每多出將軍需告匱諸將不肯屯田彼王相國不

是其人否問其在洛募耕勸農頗修有司職業
使兵盡為農復洛陽富饒之舊斯於留守無忝相國今
其可銷金甲使盡歸南畝否○當時惟李抱真為潞澤
節度使籍民免其租稅給弓矢使農隙習武既不費朝
廷庫帑府庫事充實此軍儲之能自供者郭子儀以河
中乏食自耕而食時士效之皆不勸而耕亦軍儲之能
自供者公明知王儲不能日稍喜
為國計者自耕而食銷金甲之說

回首扶桑銅柱標冥冥氛祲未全銷越裳翡翠無消息南

游明珠久寂寥

四句律事

殊錫曾為大司馬總戎皆挿侍中貂

二句

炎風朔雪天王地祇在忠良翼聖朝

結還責諸將意

四言諸將不能戮力使朝廷任中官為將結曰祇在忠
良翼聖朝我因藩鎮不臣轉傷荒服亦不來享回首
扶桑銅柱問至今氛祲未靖也所以然者咎在朝廷遣
中官以征討使括失其心耳往者中官楊思勗征討安
南貳姑州使遂使越裳翡翠至今不貢中官呂太一收
貳姑州阻兵作亂遂使南海明珠至今不來甚矣中官

不可用也。大司馬乃殊錫之爵。李輔國何爲者。侍中貂
非總戎之飾。魚朝恩何爲者。夫在昔楊思勗本爲討叛
呂太一。不過收珠已生越裳之心。尚啓南海之翼。況輔
國朝恩。手握兵符。口銜天憲。其爲生事造亂。又當何如。
彼越裳南海。雖炎風朔雪。原是天王之地。土爲吾土。人
爲吾人。焉用遣中官以誅求也。誅求且不可遣。奈何以
殊錫加之。使總戎而爲觀軍容使。朝廷雖乏人。何至以
刑餘之人。辱推轂之任。夫豈無忠良可任者。而顛倒至
此。狀則招攜懷遠。諸將有不得辭其責者。何不各殫忠
良。期聖朝哉。○唐人中官預軍政。自玄宗用楊思勗始
至魚朝恩。而
甚故連及之。

錦江春色逐人來。巫峽清秋萬壑哀。正憶往時嚴僕射。共
迎中使望鄉臺。主恩前後三持節。軍令分明數舉杯。
六句

武西蜀地形天下險。安危須仗出羣材。

二句責諸將

五言蜀中多事。繼嚴武者非其人。結曰。安危須仗出羣
材。去年歸草堂時。錦江春色逐人而來。曾幾何時。巫

山巫峽萬壑悲秋哉歲月不居故人長逝能無轉憶往
時嚴僕射也往我在幕朝廷遣使至蜀駐節望鄉臺曾
同僕射往迎其處今望鄉臺猶是嚴僕射已非矣僕射
受主恩最深東西兩川三持使節寶應元年春初除東
川一次是年夏自東川除西川一次合之廣德二年之
除爲三次乃其軍令分功罪明賞罰能使三軍懷德畏
威而已仍不廢雅歌投壺之樂所以然者僕射能安蜀
危爲出羣材三鎮兩川破吐蕃收鹽川終僕射生吐蕃
不敢窺成都夫西蜀地形險甲天下繼僕射者苟非其
人蜀之安危未可知也○合觀五章首長安次潼關三
洛陽四南蠻五西蜀以長安起以西蜀結者蓋劍南雖
斗絕天隅實爲長安門戶至蜀有事則長安不能安枕
時郭英乂代嚴武爲節度不惜士卒衆心離怨其後卒
爲崔旰所殺安危須仗出羣才分明英乂非其人也

○長江二首

題標長江二字大意取江漢朝宗
于海之義總是借長江警盜賊

衆水會涪萬瞿唐爭一門朝宗人共挹盜賊爾誰尊

四句
長江

赴海孤石隱如馬高蘿垂飲猿二句寫歸心異波浪何事卽

飛翮二句自况

洛萬爲峽中二郡瞿唐爲三峽門戶自江源發於岷山衆水合洛萬出瞿唐口是瞿唐一門爲衆流爭趨之所夫衆水爭流而出瞿唐者欲朝宗於海也此朝宗之意人共挹取可知尊王之義與水相同何盜賊不然耶爾知今日天下誰若爲尊王義輒敢竊發自外朝宗也其所爭一門處下有孤石如馬隱伏上有高蘿垂猿飲江其波浪爲最險我之歸心異是對我飛翮欲何爲者

浩浩終不息乃知東極臨衆流歸海意萬國奉君心四句承上

色借瀟湘濶聲驅澗瀨深未辭添霧雨接上遇衣襟四句承上

衆水會洛萬爭一門其浩浩不息者海爲東極臨故耳至於朝宗人共挹此意何意卽衆流歸海之意而萬國奉君之心蚤茲盜賊不知誰爲尊者豈獨外於萬國偏無奉君之心歟况此水濶則瀟湘無險深則澗瀨亦沒

而且江湖之大不特細流暴雨之微亦可
添溢霧雨接江流而上遇衣襟又如此

承聞故房相公靈輓自閬州啓殯歸葬東都有作二首

遠聞房太守歸葬陸渾山

二句承聞歸葬

一德興王後孤魂久客

間孔明多故事安石竟崇班

四句誄詞

他日嘉陵淚仍霑楚水

還

點明間州啓殯

房公客殯歸葬東都有日矣生時於君雖無一德之邦
然是一德興王玄齡後人可惜孤魂久客至今纔返昔
者陳壽定丞相諸葛故事公生前奏議可爲朝廷典故
猶之諸葛謝安石薨晉帝賜東園秘器贈太傅公生前
貶爲刺史歿後贈太尉是亦安石我在閬州祭公臨行
又別公墓嘉陵之淚他日已灑今日靈輓必由雲安出
峽則他日此淚應沾楚水同還楚水湯湯愁余心矣○
諸葛有故事二十四篇後主不能用瑯建分鎮討賊之
議肅宗亦不能用此語似
有微意太守一作太尉

丹旄飛飛日初傳發閬州

二句閬州啓殯

風塵終不解江漢忽同

流劍動親身匣書歸故國樓

四句歸葬東都

盡哀知有處爲客恐

長休

二句自傷

他日之淚自嘉陵還今日之觀從閬州發矣當公陳濤斜之敗時論病之豈知陳濤斜後朝廷頻有喪師失律之事而風塵未靖乃房公當日坐此貶斥今日孤魂竟與江漢同流而還也公一生清德身後所遺不過書劍身雖長逝平生所佩之物尚有生氣躍躍欲動往年讀書陸渾山中陳濤斜之役效古法用車戰此亦多讀書之誤既不適用於當時且卷懷歸故山耳公首丘有日我歸棹何時是我哭公盡哀有處哭公之人他日長休既悲我公行自傷也○公祭房公文有身瘞萬里家無一毫句詩中書劍云云可知身無長物

○別常徵君

兒扶猶杖策臥病一秋強白髮少新洗寒衣寬總長

四句自述

久病送別

故人憂見及此別淚相忘各逐萍流轉來書細作行句

扶而猶杖一何憊也病使然耳昔愁白髮之多今愁白髮亦少少若新洗直無髮矣衣日故身日瘦寒衣之在笥者不獨寬且長矣不獨長者長短者亦長矣一病至此或亡將近故人見及爲此深憂今日作別亦無淚可揮耳雖然天涯作客各逐浮萍今日無淚可揮他時有書可達猶望詳盡寬我病懷云

近聞

近聞犬戎遠遯逃牧馬不敢侵臨洮清水逶迤白日靜隴

山蕭瑟秋雲高

四句近聞

崆峒五原亦無事北庭數有關中使

似聞贊普更求親甥舅和好應難棄

四句由近聞推言之

近聞回紇與吐蕃爭長不睦郭子儀乘其隙與回紇定約共擊吐蕃夜引兵遯去不敢過臨洮而牧馬矣於是

近而清水白日蕭蕭遠而隴山秋雲冉冉近聞如此從
此崆峒五原亦可帖然北庭回紇復可通使又聞吐蕃
酋長名贊普者遣使求親恩續舊好想朝廷利有此舉
必當允其所請與○結意在求字蓋和親下策不得已
或出於此率使吐蕃悔過求和夾不可自朝廷遣使
請和開寶年間贊普以朝廷絕其和好往往在上書自陳
此和好之可徇者肅代以來朝廷以兵力不支有借援
外夷之勢因其臣測遣使請和此李之芳崔倫等稽留
不歸唐與寺之盟徒為吐蕃竊笑耳公曰似聞贊普更
求親若使贊普來求似屬可許不然大臣將相安在出
此下策

遣憤

聞道花門將論功未盡歸自從收帝里誰復總戎機

四句憤

蜂蠆終懷毒雷霆可震威莫令鞭血地再濕漢臣衣

四句遣

聞道吐蕃既逐花門入朝叙功前後賞資無算府藏空
竭猶未肯還何花門無厭哉問收京後朝廷誰總戎機

使論功者竟屬花門將也彼時聲靈其勢難除須臾天
威乃可懾服不然如廣德元年花門助討史朝義時羅
王與魏王少華至其營將軍車鼻責雍王不拜羅少
華等各一百騎少華等觀血之事又見於今日漢臣
之衣必至血再濕而后已也可復縱哉○初魚朝恩以
神策軍從上屯苑中分為左右相居北軍右收京後勅
為天下觀軍容使總掌禁兵是總戎機也是年回紇悞
以郭子儀捐館故敢入寇若使子儀總戎機回紇決不
至此公曰誰復有譖意焉公深於謀國於吐蕃反日和
好應難棄於回紇直曰雷霆可震威深見吐蕃入寇悞
於收恩回紇要
求罪不容追

荆南兵馬使太常卿趙公大食刀歌

時崔野作亂成都趙公剖冠至夔大食園名
題曰趙公大食刀歌非歌大食刀歌趙公也

太常樓船聲噉問兵刮寇超下牢牧出令奔飛百艘猛
蛟突獸紛騰逃四句趙公臨夔白帝城寒駐錦袍玄冬示我胡國

刀壯士短衣頭虎毛憑軒拔鞘天爲高翻風轉日本怒號

冰翼雲澹傷哀採鐫錯碧晃鷗鷺銛鏘已瑩虛秋濤鬼

物撇振亂坑壕蒼水使者捫赤條龍伯國人罷鉤鼈以上

芮公回首顏色勞分閭救世用賢豪趙公王立高歌起攬

環結珮相終始萬歲持之護天子得君亂絲與君理蜀江

如線針如水荆岑彈丸心未已賊臣惡子休干紀魑魅魍

魎徒焉爾妖腰亂領敢欣喜用之不高亦不痺不似長劍

須天倚以上贊吁嗟光祿英雄引大食寶刀聊可比丹青

宛轉麒麟裏光芒六合無泥滓四句趙公

我聞崔旰殺郭英又蜀中大亂趙公從荆南來所將
船數皆如沸趙公趙下牢不憚遠涉昔問與劉道

容已耳。趙公至而州牧出，縣令奔，百蠻皆莫不。然執干戈，從趙公後。趙公之樓船下，牧令之百蠻，聽江上，猛蛟山中，夾獸忽紛騰而逃。逸此行，滅寇不再。矣。時方玄冬，駐節襄城，趙公身佩寶刀，舉以示我提刀壯士。衣短衣，戴虎冠，寶刀在鞘，憑軒而拔一拔之，頃天爲高風，爲雨，日爲轉，木爲怒，號而且水，爲翼，雲爲滄，哀探爲之，傷刀神矣。況錫之錯之，加以碧甕之飾，瑩之潤之，試以鷹鷂之膏，宜其鉅鏐品微，虛秋濤之澄清，鬼物逡巡，忽坑壕之填塋。此寶刀出自大食國，蒼水使者所佩也。今失寶刀，空捫赤條，而無聊賴，亦能伯國人，所服以聖海怪者。今失寶刀，亦罷釣鼈，而去海濱。刀神矣。在刀爲大食，在人爲寶。秦大食之刀，用斬奸邪，賢豪之人，用平禍亂。於時主帥芮公，方回首而嗟，蜀亂賢豪難得，喜亦聞而得趙公，蓋將以亂絲付理也。趙公不辭勞不，述難手持寶刀，高歌而起，攬環結珮，期相終始，以爲今日者，得君亂絲，爲君治理，正賢豪，侈力之秋，亂賊授首之日，其心甚壯。其願甚雄，視蜀江如針線耳。視荆岑如彈丸耳。視千紀之賊，臣惡子真，魑魅魍魎，耳賊臣惡子之腰，領此刀一揮，直如取如攜，亦不高不痺，俯仰依人，縱橫如意，渡倚天長劍，徒有其名，惟光祿英雄，差堪比。

擬固此刀能事亦趙公神武今趙公挾此刀以往鋤亂
賊建奇勳將見趙公功名圖騰間而丹青爲光此刀光
芒燭六合而風塵永靖趙公與刀俱不朽矣○妖
腰亂領亦上下倒置之象崔豎殺王將其象似之

王兵馬使二角鷹

王兵馬與芮公趙公同
冠至藥者公借角鷹美之

悲臺蕭瑟石龍從哀壑杈枒浩呼洶中有萬里之長江回

風滔日孤光動

四句寫悲臺
爲角鷹作勢

角鷹翻倒壯士情將軍玉帳

軒勇氣二鷹猛腦條徐墜目如愁胡視天地杉雞竹兔不

自惜孩虎野羊俱辟易韞上鋒狡十二翻將軍勇銳與之

敵

以上賦
角鷹

將軍樹勲起安西崑崙崙虞泉入馬蹄白羽會肉

三狡狴敢決豈不與之齊

四句美
王兵馬

荆南芮公得將軍亦如

角鷹下翔雲惡鳥飛飛啄金星安得爾輩開其羣驅出六

合梟鬯分

五句角鷹將軍互結

巫峽悲臺氣狀蕭瑟石有龍從之象悲臺哀壑樹木
枿勢有呼洶之聲其中長江萬里時回風而風嗟時
日而日暗唯有孤光搖動而已卽角鷹可知矣此角鷹
雖在羣上臂爲翻倒勇氣軒然嗟此條嶺焉能羣彼其
眼之碧天地不足當其一扶向者悲臺巖從衆壑杈枿
長江之回風酒日早爲此鷹物色也區區衫雞竹兔孩
虎野羊亦何足惜亦何不辟易之有雖在羣上其狡
勁翻有飛而食肉之氣以此勇銳將軍而外誰與爲倫
當將軍樹功安西馬蹄踏崑崙之險白羽入後猓之內
以此勇夫方彼精銳誠哉匹敵不愧也今且將軍有此
角鷹今日苗公得我將軍蠢茲崔旰作亂成都荆南苗
公得將軍以撥亂亦如將軍得角鷹以翔雲彼惡鳥啄
屋盡殲斯快今日角鷹雖在羣上有一日焉搏擊九天
必能使梟鬯之族立分其類然則將軍起平蜀亂使亂
賊忠良判然不
前亦猶是云

冬深

花葉隨天意江溪共石根
早霞隨類影寒水各依痕

四句冬深

之景易下楊朱淚難招楚客魂
風濤暮不穩捨棹宿誰門

四句

冬深之感

花葉開落自隨天意不能與天爭也江溪深淺自共石根不能與石異也早霞變態或遠或近隨物影而為形寒水去來或早或暮依舊痕而為候人何以偏岐路哉楊朱之淚到處易下也人何以不歸故鄉哉楚客之魂是處難招也當此風濤暮猶不穩今日捨棹更宿誰門途真窮矣

將曉二首

石城除擊柝鐵鎖欲開關
鼓角悲荒塞星河落曉山

四句將曉

巴人常小艇蜀使動無還
番老孤帆色飄飄犯百蠻

四句將曉

感之

感懷

四句

石城擊柝將曉而輟鐵鎖嚴關將曉而開鼓角之聲將
 曉而悲星河之影將曉而落我又何之茂陵巴蜀地僻
 民悍動輒梗化節使其地者往往不能生還蜀地僻
 居如此我年垂老一葉飄飄今日將去雲安適處
 為楚地本屬蠻方蠻方非我居不得已犯之云爾
 人小使如至德二載南充土豪作亂乾元年間即簡嘉
 眉等處屢反蜀使無還如上元間兵馬段子璋反代謀
 寶應間兵馬使徐知道伏誅今兵馬使又殺節度郭英又
 軍吏回官燭舟人自楚歌寒沙蒙薄霧落月本清波

四句

壯惜身名晚衰慙應接多歸朝日簪笏筋力定如何

官燭同傳歌發犯百蠻而往歌為楚歌矣於時寒沙之
 上霧氣初蒙清波之中落月已去回首少壯已惜身名
 晚而功業不建今當衰老徒慙應接多而酬酢不堪縱
 使歸朝有日簪笏自顧筋力誰能堪此我向曉之情如是

十二月一日三首

今朝臘月春意動雲安縣前江可憐一聲何處送書雁

承

意百丈誰家上瀨船承江未將梅藥驚愁眼更取椒花媚

遠天二句正見今朝

臘月春意動

明光起草人所羨肺病幾時朝日邊

二句反結雲安縣前江可憐

臘月春動江色可憐矣春動雁歸此一聲入耳者是送書雁但不識何處飛來亦肯爲我附書故鄉否江船且緩此百丈牽來者是上瀨船不識誰家之子我方思下峽去彼却欲上瀨來乎春意雖動梅藥尚含猶幸未將不致亂我鄉愁也梅藥米將椒花已獻聊取椒花以媚遠客之天耳今朝臘月春意動如此所可歎者我尚留滯雲安也漢制尚書內直起草我爲尚書郎當此臘盡春回萬國朝正我豈不欲身到日邊以近天子乃明光起草徒爲人羨自傷肺病終遠長安真覺雲安縣前江可憐矣

寒輕市上山煙碧日滿樓前江霧黃負鹽出井此溪女

鼓發船何郡郎

四句承雲安縣前句

新亭舉目風景切茂陵著書

渴長

二句滯雲安

春花不愁不爛熳楚客惟聽棹相將

二句去雲安

市上寒輕故山州亦破寒而其色碧此時市上恍在山烟外樓前日滿故江霧亦映日而其氣黃此時樓前渾在江霧中市上烟輕因有負鹽出井之文歷歷焉見其出井而識之曰此溪女樓前日滿乃有打鼓發船之郎沉沉焉聞其打鼓而揣之曰何郡郎夫夔州女當門戶此溪之女負鹽出井固其所也至若作客行者何郡之郎打鼓發船不可已乎我留峽不得歸長安猶周顓於新亭我去官老病殊方猶司馬於茂陵周顓目堪傷司馬昔書何益猶幸春已動花將開從此乘春南下去雲安適夔州我今側耳惟聽棹聲相將而已

卽看燕子入山扉豈有黃鸝歷翠微短短桃花臨水岸輕

輕柳絮點人衣

四句承上春意動

春來準擬開懷久老太親知見

面稱他日一杯難強進重嗟筋力故山違

四句結到歸家

春意既動懶慢不遠矣宜乎燕子黃鸝桃花柳絮若或見之此際準擬開懷所難者垂老之年親知契濶耳他日豈無一杯於燕子黃鸝桃花柳絮下可以自遣奈筋力既憊故山不歸何家且不得歸日邊之朝真虛想也

又雪

南雪不到地青崖露未消微微向日薄

四句又雪

冬熱鴛鴦病峽深虎豹驕愁邊有江水安得北之朝

四句又雪

感之

雲安雪不到地偶在青崖之間縱有微花向日隨化而况無色去人更遙夫嚴冬肅殺理之自然今冬熱則鴛鴦病彼鴛鴦物之良善者此時而病良善不可爲也肅殺之氣能制強梁今峽深而虎豹驕彼虎豹獸之兇惡者此時而驕強梁反得志也我愁甚矣幸有江水藉以歸別但江水東流安能北去亦空托之想像已耳○時

崔肝亂毀良懦受壓強暴為橫朝廷專事姑息威令不行何異嚴冬當肅殺不肅殺也公有感於此托之南雪不到地且欲因江水北去一達於朝其後杜鴻漸至成都郭翌崔肝無一言資其干紀是真南雪也

送王侍御往東川放生池祖席

東川詩友合此贈怯輕為况復傳宗近空朕惜別離

四句送往

東川梅花交近野草色向平池

二句放生池祖席處

倘憶江邊臥歸期

願早知

二句預期

東川我舊遊地最多詩友今日贈別詩欲輕為有甚怯者况彼處之傳宗復近則我詩直不必為亦空朕惜別而已不見放生池邊梅花爛熳草色芊綿侍御遊東川信足樂也亦念江邊有故人者引領歸期甚切耶

雲安詩

大曆元年

立春

春日春盤細生菜忽憶兩京梅發時盤出高門行白玉菜

傳纖手送青絲

四句兩京立春之事

巫峽寒江那在眼杜陵遠客不

勝悲此身未知歸定處呼兒覓紙一題詩

四句雲安立春之情

春日應有春盤盤中盛者細生菜也生菜何足憶惟兩京梅發時曾食此春盤為可憶耳以言盤是白玉盤由貴戚之高門出以言菜是青絲菜從佳人之纖手傳彼時京都士女所在饒遺太平歲時率成風俗今日身在他鄉所對者巫峽寒江耳兩京不見也乃自顧猶兩京人物也是杜陵遠客也夫巫峽那堪對眼杜陵何日言歸呼兒覓紙聊一題詩如身在兩京食此春盤云爾

懷錦水居止二首

軍旅西征僻風塵戰伐多猶聞蜀父老不忘舜謳謠

四句蜀事

天險終難立柴門豈重過朝朝巫峽水遶遶錦江波

四句懷

西川地僻問罪之師未到此風塵戰伐蜀中尚多事
野茂視天朝竊據一方不知蜀之父老裂戴天朝
之聲至今在耳民心戴唐如此彼崔旰雖據有蜀地夫
何能爲創閭天險并崔旰終難自立崔旰旣不能據有
蜀地我之柴門庶得再過此巫峽之水尚
不忘情於錦江朝朝遠逗耳信可懷也

萬里橋西宅百花潭北莊
野軒皆面水老樹飽經霜雪嶺

界天白錦城懸日黃
六句寫錦水居止惜哉形勝地回首一茫茫

結還空
懷意

我錦水居止經營斷手三年於茲平生所極不忘者今
日想像中一一見之此爲宅我嘗謂萬里橋西一草堂
者是此爲莊我嘗謂百花潭水卽滄浪者是有宅則有
軒我嘗謂草軒駕巨浪者今依然面水否有莊則有樹
我嘗謂獨樹老夫家者今依然經霜否對草堂者爲雪
嶺我嘗謂總含西嶺千秋雪今猶想見界天白也背草
堂者爲錦城我嘗謂錦城絳管日紛紛者今猶想見曠
日黃也形勝若此回首茫茫是巫峽之水雖逗錦江柴

門之歸終
托夢想耳

老病

老病巫山裏稽留楚客中

二句領至末

藥殘他日裏花發去年

叢夜足霑沙雨春多逆水風合分雙賜筆猶作一飄蓬

六句

老病稽留互說

巫山何地老病於此楚客何人稽留其間老病而稽留
稽留則苦稽留而老病老病則藥殘則藥物關心奈
峽中絕少此所餘者乃他日裏也稽留則所見雲安花
發亦非一次眼見此花又從去年之叢而發也似此老
病乃伏枕而聽又多霑沙之雨似此稽留奈艤舟於此
又遭逆水之風當年漢朝尚書郎每月給赤管雙枝我
爲尚書郎應有此賜乃老病巫山終難就列
稽留楚客無日歸朝亦終作一飄蓬而已

雨

冥冥甲子雨已度立春時

二句領至末

輕箴煩相問纖絺恐自

疑煙添疑有色風引更加絲直覺巫山暮兼催宋玉悲

甲子不宜雨此冥冥者爲甲子雨乃立春已過又爲春
甲子雨春雨醲熱輕箴堆掩纖絺可試而疑是夏而非
立春時也此雨甚細煙中有色風裏如絲果朕冥冥而
爲甲子雨也如此冥冥雖朝雨直覺巫山欲暮不獨似
夏忽而寒兼催宋玉悲秋雨之失時如此○按月令孟
春行夏令則雨水不時草木早落國時有恐輕箴煩相
問纖絺恐自疑行夏令矣孟春行秋令則其民大疫秋
風暴雨總至藜莠並興直覺巫山暮兼催宋玉悲行秋
令矣催肝之氣國時有恐
之應亦藜莠並興之象

南楚

南楚青春異暄寒早早分

二句領至末

無名江上草隨意帶頭

雲正月蜂相見非時鳥共聞杖藜妨躍馬不是故離羣

地為南楚地異天時亦不同故青春為南楚青春南楚
暄多寒少未暄先暄不待春深二氣遂分焉一驗之草
無名類而一齊早候一驗之雲若隨意而非有定候一驗
之蜂於正月而羣飛已見一驗之鳥雖非時而鳴聲已
聞南楚青春異如此我杖藜來此誠恐為公孫述輩躍
馬者所妨夫豈好為離羣哉○躍馬二字借用以公孫
述比
崔肝

子規

峽裏雲安縣江樓翼瓦齊兩邊山木令終日子規啼眇眇

春風見蕭蕭夜色凄凄

六句雲安子規

客愁那聽此故作傍人低

二句

情客

雲安縣居峽裏其臨江一樓如鳥斯翼兩邊山木鬱鬱
蔥蔥子規之啼不輟矣其形微細眇眇狀偶見春風其
聲哀怨蕭蕭然不悲靜夜愁人何以遣此乃子規故情
愁人低聲而嘆亦奈之何○在物為子規任人為子美

故作傍人者不傍
他人傍子美也

水閣朝霽奉簡雲安嚴明府

東城抱春岑江閣鄰石面

二句水閣

崔嵬晨雲白朝旭射芳甸

雨檻臥花叢風床展書卷

四句朝霽

鈎簾宿鷺起九藥流鶯囀

呼婢取酒壺續兒誦文選

四句朝霽之事

晚交嚴明府矧此數相

見

二句簡嚴明府

雲安城抱春岑江閣之間兩崖封峙閣峻矣雲白爲雨
歇之象况低則雨高則晴崔嵬如此因而芳甸之上朝
旭射焉霽可必矣猶是雨後故檻外花叢臥而未蘇狀
已風清故床上書卷何人欲展爰鈎簾而眺霽景適見
鷺起鷺亦喜霽與鈎簾之人並起遂九藥而赴霽色道
聞鶯囀鷺亦快霽其聲覺圓轉可聽此時婢子捧尊兒
曹開卷可自娛矣况晚年得交明府之賢者數數
相見不足破雲安岑寂哉○續兒卽繼續舊學意

往在

往在西京時胡來滿彤弓中宵焚九廟雲漢爲之紅解瓦
飛十里總帷分層空疚心惜木主一一灰悲風合昏排鐵
騎清旭散錦幪賊臣表逆節相賀以成功是時妃嬪戮連
爲糞土叢當宇陷玉座白間剝盡蟲不知二聖處私泣百
歲翁車駕旣云還楹角忽穹崇故老復涕泗祠官樹椅桐
宏壯不如初已見帝力雄前春禮郊廟祀事親聖躬微軀
忝近臣景從陪羣公登堦捧玉冊我冕聆金鐘侍祠而先
露投垣邇濯龍天子惟孝孫五雲起九重鏡奩換粉黛翠
羽猶葱龍

以上叙安史之亂及肅宗收復事

前者厭羯胡後來遭犬戎狙

豆腐羶肉罌恩行角宮安得自西極市令空山東盡驅諸
闕下士庶塞關中主將曉逆順元元歸始終一朝自罪已
萬里車書通鋒鏑供鋤犁征戍聽所從元官各復業土著
還力農君臣節儉足朝野歡呼同中興似國初繼體如太
宗端拱納諫諍和風日冲融赤墀櫻桃枝隱映銀絲籠千
春薦靈寢永永垂無窮以上叙吐蕃之亂及代宗收復事京都不再火涇
渭閒愁容歸號故松栢老去苦飄蓬將自已結遙應起手往在西京時句
往者我在西京不似今日飄蓬也不幸祿山難作彤宮
之內賊騎充斥最可痛者九廟遭焚也瓦飛總裂木主
皆灰此時我陷賊中親見其合昏排騎向曉散營賊臣
上頌德之篇逆節獻成功之表嬪妃屠戮土委矣玉座
陷盡羶利矣二聖蒙塵老翁飲淚祿山陷西京時如此
未幾我奔行在西京復大駕還寢廟重修翠心亦萃制

作雖云草創帝力已見恢弘郊廟既舉於前春聖人躬
親夫祀典此時我在西京官忝侍從捧玉冊而陪奏假
聽金鐘而効趨跪雖俯仰愧殉節之臣不先朝露乃直
宿近濯龍之館竊幸叨陪穆穆天子原是孝孫霽霽祥
雲重飛玉殿靈寢之內鏡奩一新神御之前翠羽重煥
肅宗收復時中興治具雖一事未舉而廟貌重新將以
宰漁亦欲使后人長爲孝孫也竊體者誠能保安圖治
從此京都便可不再火矣湮渭父老便可開愁容矣奈
何祿山亂平吐蕃難作側聞其入西京也雖異祿山之
焚九廟乃廟中俎豆亦穢腥臚廟中果愚亦殘弓矢其
餘喪亂大畧如前最痛心者藩鎮之赴援不開節度之
入朝希有今日安得自西徂東布昭王命使王將盡驅
闕下使士庶盡還關中也安得朝廷下哀痛詔使車書
盡通銷各鎮兵使征調盡撤也安得斥冗員墾荒土行
儉德而君臣交勉朝野豐亨也能若是則中興與開創
同烈繼體與前王並休將見至尊垂衣問直言之路和
風洋溢滿天地之間前此俎豆燼燼恩壞者今日櫻桃
薦靈寢安矣庶幾京都磐石烽火不來涇渭遺民樂利
永享我亦得歸故鄉掃丘壘攀松栢而雪子孫之涕其
如一身流落萬里飄蓬廬墓終遠首丘無望何嗚呼往

在西京時既遭禍亂老去苦飄蓬亦終遠長安而已○此章歷叙肅代兩朝祿山吐蕃之亂以見幸蜀之轍不鑒於前奔陝之駕相尋於後故於肅宗收復處畧其治具於代宗收復處詳陳保安國治之道正見肅宗不能如此沿至代宗再有吐蕃之禍乃代宗收京後不問罪已有詔獨孤及上銷兵疏而不納甚者宦官董秀等皆掌樞密胡僧不空等並列滿華元月濫矣河北山東流亡未集諸節度不行屯田之政土地荒矣納諸道珍玩駿馬之獻造寺無窮塗金爲瓦所費億萬儉德安在命裴冕等待制不錄其言有容下之名無聽諫之實是不能納諫諍也數者無一而可致治無具禍亂相因未幾德宗又有奉天之幸內寇外夷與唐終始至篇中血脉以孝治爲重故詳言宗廟廢興之由於肅宗曰天子惟孝孫於代宗曰繼體如太宗并自寫一句曰歸號故松柏

客居

客居所居堂前江後山根下
塹萬尋岸蒼濤鬱飛翻葱青
衆木梢邪豎雜石痕子規晝夜啼壯士歛精魂峽開四千

里水合數百源人虎相半居相傷終兩存

以上客居之處

蜀麻久

不來吳鹽擁荆門西南失大將商旅自星奔今又降元戎

已聞動行軒舟子侯利涉亦憑節制尊

以上客居時事

我在路中

大生理不得論臥愁病脚廢徐步視小園短畦帶碧草悵

望思王孫鳳隨其凰去籬雀暮喧繁覽物想故園十年別

鄉村日暮歸飛翬北林空自昏

以上客居所感

安得覆八溟為君

洗乾坤稷契易為力大戎何足吞儒生老無成臣子憂四

藩篋中有舊筆情至時復援

八句客居之懷

雲安客居之堂形勢何如前臨江後倚山也前臨江故
晴岸為尋蒼濤有飛翻之象後倚山故鬱然眾木邪豎
兼離石之痕此間無人時聞子規啼耳子規啼北土悲
矣顧此山恨即是峽石雖在堂後窺其勢直開四千里

且此江卽入峽之水雖在堂前究其派直合數百源此
間雖有人亦與虎爲伴耳幸相傷猶兩存也我胡爲來
此亦由嚴武初薨崔旰作亂吳蜀道梗商舶不通幸而
來鎮成都者係我族父鴻漸此時軒車應飛行而動候
吏盡操舟而迎亦憑節制之尊以靖蜀亂耳我今逗遛
中路進退兩妨兼之臥病遠行有阻劉安招隱詩曰王
孫兮不歸春草兮萋萋今見碧草轉思王孫王孫本鳳
已隨鳳去嚴公長逝如鳳苞之飛去也彼雛雀何物鳳
去空其幕喧崔旰黨類如幕雀之喧繁耳我見碧草因
懷王孫我懷王孫因思故園鳳去矣崔喧矣亦有北林
之望夫北林之望今何其空自昏耶夫亦乾坤未寧之
故安得覆溟水洗甲兵此在稷契自命者亦易爲力亮
吐蕃不足殲滅所惜我有殲滅吐蕃之心朝廷無錄用
優獎之且老儒無成爲可痛也然旣爲臣子四藩不靖
皆我之憂况懷中舊筆猶是尙書郎之筆雖老儒草奏
難達帝鄉乃一往情深淋漓欲灑我客居之懷如此○
結處數語似爲仕鴻漸發勉其靖蜀亂也其後鴻漸不
能討賊卽望崔旰所謂臣子憂四藩者安在公早見及
之宜優獎之
願勃然欲發

客堂

憶昨離少城而今異楚蜀捨舟復深山窅窕一林麓棲泊
雲安縣消中內相毒舊疾廿載來衰年得無足死爲殊方
鬼頭白兔短促老馬終望雲南雁意在北別家長兒女欲
起慙筋力

以上言老病難
歸居此客堂也

客堂叙節改具物對羈束石墮

蕨芽紫渚秀蘆笋綠巴鶯紛未稀微麥早向熟悠悠日動

江漠漠春辭水

數句客
堂時景

臺郎選才俊自顧亦已極前輩聲

名人埋沒何山得居然綰章綬受性本幽獨平生憩息地
必種數竿竹事業只濁醪營葺但茅屋上公有記者累奏
資薄祿主憂豈濟時身遠彌曠職循文廟筭正獻可天衢

直尙想趨朝廷毫髮裨社稷形骸今若是進退委行色

以上

言老病不能歸朝
故居此客堂也

客居思弭亂客堂思致君憶昨去成都抵雲安便分
楚蜀今日捨舟就陸此身又在窮窳林麓間自笑此生
非水卽山也我去秋至此病染消中然此病不自雲安
始廿載於茲豈爲未足頭白而歎不爲天年但老馬志
在室室兩雁常思北同詎意別家以來兒女徒長欲作
歸計筋力不堪恐此身終成流落耳家且不能歸矧曰
歸而哉今日客堂前節序將改目前時物雖具何爲不
見羶芽挺紫蘆笋抽綠鶯啼耳麥秀先時物如此其
其也遲遲之日與水俱流脈脈之春辭條欲去節難禁
其改也猶憶昨在成都曾叨臺郎之職彼臺郎妙選才
俊斯堪自顧非才叨此已極豈無前輩名譽斐然絕望
青雲終老願下我既授臺郎縮章綬豈宜迷富貴耽林
泉奈所賦不同性甘幽獨而况憇息之地無竹不居酒
盃之中事業便足草堂何慕茅屋是營自分幽獨如此
臺郎章綬胡爲而來亦由上官嚴公以故人之誼累奏
參謀得需升斗耳乃官忝檢校原無濟時之才况身逢

闕廷祗益臍瘵之懼今上優武修文廟筭既正羣公獻
可替否天衢不陂我庶幾超走天子前竭盡頂踵力苟
利社稷毫髮以之無奈消中之疾甘載不痊自顧形骸
有式士木道焉靡所投足退焉無所稅駕何去何從惟
有委之行色聽其所至而休焉嗚呼欲起慙筋力既不
能歸家進退委行色又不能歸國恐終不免為殊方之
鬼而老馬望雲南航
意北亦徒欣也已

杜鵑

西川有杜鵑東川無杜鵑涪萬無杜鵑雲安有杜鵑

四句提出

西川杜鵑雲安杜鵑作對

我昔遊錦城結廬錦水邊有竹一頃餘喬木

上參天杜鵑暮春至哀哀叫其間我見常再拜重是古帝

魂生子百身巢百身不敢與仍為餒其子禮若奉至尊鴻

雁及羔羊有禮太古前行飛與跪乳識序如知恩聖賢吾

法則付與後世傳君看禽鳥情猶解事杜鵑

以上西川今有杜鵑

忽暮春間值我病經年身病不能拜淚下如迸泉

以上雲安有杜鵑

蜀有杜鵑乃蜀中亦不盡有西川則有東川則無
亦無雲安又有矣西川有杜鵑我昔遊成都間之此時
結廬錦水竹木蕭森杜鵑之聲哀哀來叫我見再拜重
是望帝所化也所以百鳥代哺禮若至尊其明君臣之
義一如鴻雁識兄弟羔羊知母子聖賢師之制禮傳世
夫禽鳥微蟲猶解事主如此雲安有杜鵑我今居雲安
聞之其暮春至哀哀而叫為望帝魂百鳥奉之若至尊
者亮與西川無異我見再拜亦如西川無奈老病經年
不勝拜懇念其君臣之誼惟有淚下如泉一志悲痛而
已○杜鵑為古帝魂篇中說到再拜不能拜可知不為
一身公無念不在君父冑中耿耿有一杜鵑故於有杜
鵑者志幸曰西川有杜鵑雲安有杜鵑於無杜鵑者志
異曰東川無杜鵑涪萬無杜鵑與當時刺史無涉

贈鄭十八賁

溫溫士君子令我懷抱盡靈芝冠衆芳安得闕親近

四句鄭十

八遭亂意不歸竄身迹非隱

二句自謂

細人尚姑息吾子色愈

謹高懷見物理識者安肯哂卑飛欲何待捷徑應未忍示

我百篇文詩家一標準

以上鄭十

羈離交屈宋牢落值顏

閔水陸迷畏途藥餌駐修軫古人日已遠青史字不泯步

趾詠唐虞追隨飯葵葍數盃資好事異味煩縣尹心雖在

朝調力與願矛盾抱病排金門衰容豈爲敏

以上自叙中次段

十八爲人溫溫君子令我傾倒矣且秀若靈芝之冠彼衆芳欲疎遠之不可得者若我遭亂而來竄身非隱在彼細人其姑息我者正侮慢我子則不然其敏謹我者實非姑息我也乃其冠衆芳者有故凡人識不足以見物聖則昧於出處文多踳駁徒爲有識者笑子則高懷達理有識所就鄙是徑而卑飛以待時有守矣歛才情而

標準不少慈能文矣哉文何讓屈宋有守此
何幸得於鵬離牢落中遇之我遭亂竄身不能
不過路逢水陸有畏前途病假藥餌暫羈遠轍耳又自
傷古人已往青史徒存幸有我子聯詠唐虞其甘蔡董
而況身具陶潛頃好事之送酒人非仲叔累縣尹之遺
所難亦窮途足慰者至若遭亂思歸意身未返而曰尚
可朝謁尚可排金門竊恐我之少也猶不如
人今老矣無能為矣十年敏妙尚其勉旃

別蔡十四著作

賈生慟哭後寥落無其人安知蔡夫子高義邁等倫

四句總起

獻書謁皇帝志已清風塵流涕灑丹極萬乘為酸辛

四句應賈

生慟天地則瘡痍朝廷多正臣異才復間出周道日維新

義能等倫同句正見高使蜀見知己別顏始一伸主人薨城府扶櫬

歸咸秦巴道此相逢會我病江濱

六句雲安會晤之由

憶昔鳳翔都

聚散俄十春我衰不足道但願子意陳稍令社稷安自契

魚水親我雖消渴甚敢忘帝力勤尚思未朽骨復睹耕鑿

民十句追昔對積水駕三峽浮龍倚長津揚舠洪濤間仗

子濟物身鞍馬下秦塞王城通北辰六句送別玄甲聚不散兵

久食恐貧窮谷無束帛使者來相因若憑南轅使書札到

天垠以上又以蜀事屬之始終勉以高義

自賈生憂漢室危亂慟哭上書直言見斥此後更無人肯爲賈生者蔡子卓然高義直邁等倫今日又得一賈生也當賊臣犯關人駕蒙塵蔡子謂皇帝於行在獻書陳事其志直欲清禍亂一時涕流丹極感動至尊此其高義無異賈生所以乾坤多故賴此正臣盈宇如子異才間出竟使有唐再造同於周宣顧子亦我知己曾逢使蜀一俦別頗不聞我子重有扶輿歸秦之役又值我臥病在床幸以前蔡子獻書皇帝正我扈聖崆峒

十年倏忽聚散無常。臥巴江者固老病。日侵歸戚。秦者
宜助勦彌力。冀將時事歸京。直陳使社稷永安。君臣一
德。庶臥病之老亦蒙帝力。垂朽之人及享太平。不亦始
終荷子高義哉。今別矣。此去上水。駕峽逆行。閭道如龍
倚津。更險似子才足濟物。揚舠而往。夫復何憂。行見水
路既窮。舍舟策馬。直抵秦塞。復命至尊。旦晚間耳。顧爾
主人郭公。既薨以來。蜀亂尚熾。賊首未授。將甲未解。恐
師老而食不支矣。窮荒粟帛。既難贍軍。使者誅求。相繼
不絕。蜀民既苦兵。又苦使。亮子賈生自命。有高義者。必
有以處此。并望南轅之使。寄書老大。豈曰入朝致主。遂
忘天垠。臥病之人與。

答鄭十七郎一絕

雨後過畦潤花殘步履遲

二句時景

把文驚小陸。好客見當時。

二句答意

雨後過畦。方有潤澤。花殘步履。不覺濡遲。我見子來由
矣。幸有文在。當此雨過花殘。讀子之文。咄咄稱奇。應令

十八郎貢才如小陸者亦驚子真大陸矣把文之餘念子好客君家有鄭當時者得子再見哉

寄贈王十將軍承俊

將軍膽氣雄臂懸兩角弓纏結青驄馬出入錦城中四句贊其

時危未授鉞勢屈難為功賓客滿堂上何人高義同四句

惜其遇

昔在錦城與王將軍遊膽氣雄哉臂懸勁弓身騎驄馬
一出一人何人敢當惜平時危勢屈徒負將軍高義耳
試觀滿堂賓客如將軍者誠有幾人也○王將軍在成
都正值崔旰作亂勿克與相茂琳等協力討賊此詩深
惜之久兩期王將軍詩云安得突騎只五千舉然眉骨
皆兩曹走平亂世相催促一餘明王正鬱陶與此同意

寄韋有夏郎中

省郎憂病士書信有柴胡飲子頻通汗懷君想報珠四句叙來

書親知天畔少藥餌峽中無歸楫生衣臥春鷗洗翅呼四句

自歎猶聞上急水早作取平途萬里皇華使爲條記腐儒四句

寄詩之意

子以省郎使蜀憂我伏枕貽書贈藥如柴胡誠利汗而宜服者省郎此道何異隋侯以藥救蛇病士此心亦當如蛇銜珠而報所以然者天涯臥病親知既少楚俗輕醫藥餌又無耳今日病夫歸棹尚滯水衣江畔春鷗徒然洗翅夜鷗出峽子將使旋側聞南丁舟航猶上急水須知行人安穩早取平途但子爲天使我本爲儒拳拳貽書信惠藥餌者亦由我曾爲尚書與子有寮案之誼故憂之特切也

杜鵬行

古時杜宇稱望帝魂作杜鵬柯微細跳枝竄葉樹木中拾伴暫振雖隨雄毛衣慘黑無悴衆鳥安肯相尊崇腹形

不敢棲華屋短翮惟願巢深叢穿皮啄朽觜欲禿苦飢始

得食一蟲誰言養雛不自哺此語亦足爲愚蒙聲音咽咽

如有謂號啼畧與嬰兒同口乾垂血轉迫促似欲上訴於

蒼穹

以上杜鵑

蜀人聞之皆起立至今敦學傳遺風廻知變化

不可窮豈知昔日居深宮嬪嬙左右如花紅

五句感慨

我嘗謂杜鵑是古帝魂古帝何人靜望帝名杜宇者是
望帝亦一代天子化爲杜鵑微細極矣既窺枝葉相隨
者不過雌雄羽毛憔悴尊崇者已無衆鳥生前華屋形
隙難居歟後深叢翮短願處不獨無枝且無食矣不獨
已飢且生雛莫能養矣盡言杜鵑生上衆鳥爭哺出今
觀之一何思哉聽其聲音如泣如訴果然微細有如嬰
孩亮無有察其苦衷者庶幾宮吝堅之耳不意蜀人感
動慼然起敬相傳至今然後知事之變化不可定也杜
鵑雖微細昔日曾居深宮豈嘗踐枝窺葉樹木中者昔
日嬪嬙如花豈嘗拾芥弊授漿隨雜者人但訝其冤作

杜詩何微細亦曾憶其古時杜宇稱望帝哉○當時上
皇幸蜀羣臣爭樹靈武功相依上皇者惟高力士陳玄
禮幾人耳詩曰衆鳥安肯相尊崇是也上皇幸蜀還不
肯居正殿曰此天子居也詩曰隳形不敢居華屋是也
上皇愛居興慶宮李輔國又謀遷西內上皇曰興慶宮
我數以讓皇帝皇帝不受今日之徙亦我志也詩曰
關雎願居深叢是也肅宗令萬宜成宜二公主視膳西
內上皇以不憚不茹葷辟穀幾幾雀穀之探詩曰苦飢
始得食一蟲是也肅宗受制輔國災城之起居稀西內
之音問潤上皇心事有無可告語者詩曰似欲上訴於
蒼穹是也上皇遷西內陳玄禮高力士及舊宮人皆不
得留詩曰豈思當日居深宮嬪嬙左右如花紅是也

杜詩闡卷二十終